



TOM LEONARDY

Präsidentschaft:
2002 bis ...

vu Beruff:
Betriebsleeder vun engem
landwirtschaftleche Betrib

wunnt zu:
Dickweiler

Wou gesäis du d'Schwéierpunkten vun dénger Präsidentschaft?

Als jetzegen Nationalpräsident ass mir opgefall, datt et net ëmmer esou evident ass, fir bei ville gemeinsamen Virschléi un agrarpoliteschen Themen op ee Nenner ze kommen. Ee Schwéierpunkt ass mat Sëcherheet, d'Ziler vum Nationalcomité resp. Präsidium, déi mir äis setzen, sief et op politeschem oder gewerkschaftlechem Niveau, duerchzekeréien. Ee weidere Punkt besteet dorann, d'Memberen nees nei ze motivéieren eng ugepeilten Aarbecht ze realiséieren.



Wat bréngt Dir perséinlech d'Fonktioun als Präsident vun den JB & JW ?

Wann ech mir schonn ee Réckbléck erlaben dierf, da kann ech soen, datt dee Posten mir et erméiglecht huet, ganz vill Leit kennenzuléieren. Dës Weideren hunn ech ee besseren Abléck an déi agrarpolitesch Situatioun kritt a sinn vill méi fräi am Schwätzen ginn.

Fazit: Präsident vun eiser Organisatioun ze sinn, ass eng usproochsvoll Aufgab an et mécht immens vill Spaass mat aktiven Memberen zesummeschaffen.

Kënnen dénger Meenung no d'JB & JW och haut nach den d'Ziler an dem Gescht vun de Grënnungsmemberen gerecht ginn?

Ech ménge „Jo“. Och wann d'Jugend vun haut oft méi schlecht gemaach gëtt a si gesot kritt, si wär net zouverlässeg oder hir wär alles egal, da kann ech just de Kapp rësselen. Och haut setzen déi Jonk sech Ziler an doduerch entsteet eng gewësse Motivatioun, déi dann och an d'Realitéit soll emgesat ginn.

